



D me revolvitur WINCKLERIANÆ

AParentationis officium, cui quartâ nunc vice satisfacientum est. Et libentissimè vero dicendi hoc munus in me recipio, qvod ipsum hoc tempus aliquam præteritæ juventutis recordationem mihi subministrat. Trigesimus enim nunc absolvitur annus, ex qvo, Gymnasii non ingratus alumnus, cathedram conscendi Patriæ, Patronis, Præceptoribus, in discessu ad ACADEMIAM LIPSIENSEM, pietatis & observantiæ documenta relicturus. Elegerat tum B. Parens meus, ad qvem studiorum meorum præcipua pertinebat directio, Valedictionis argumentum, non externâ specie turgidum, aut novitatis opinione curiosum, sed usu potius & insigni fructu commendatum, suisq votis & appreciationibus convenientissimum. Dicebam enim de PIETATE, cujus si nomen qvi buslibet vanitatum cultoribus vix habetur magnificum; promissio tamen & felicitas tum ad omnes homines, tum ad eos præcipue spectat, qvi literarum studia, cum his autem accuratiorem DEI cultum, indagare statuerunt. Quid eo tempore præstiterit juvenilis mea præcocitas, tanto minus alii meminerint, qvo pauciores superesse video, qvi vel honoratissimorum Hospitum, vel dilectissimorum commilitonum, eo tempore, subsellia presserunt.

Interim qvi tot annorum felici decurso admonitus intelligo, tantum rebus meis successum vix adspiraturum fuisse, nisi benè precantium & ominentium pietas ad ipsum hunc salutis & prosperitatis fontem me deduxisset: nec melius observare potero B. WINCKLERI voluntatem, qvi sermonibus nostris juvenum adjuvari profectus jussit; nec prius temporis piam recordationem proseqvar hilarius, qvam si, revocato sub incudem pristino themate, PIETATEM, annis abhinc triginta laudatam, isto temporis intervallo mihi nunquam inutilem, Juvenibus quoq; meæ curæ commissis futuram unicè salutarem, non florido verborum & formularum apparatu, sed rerum ac sententiarum pondere potius describendam & commendandam suscepero. Et